



Broj: 02-4686/23

Datum: 27.10.2023.

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14 i 59/22), na Preporuku Komisije za nabavku broj: 02-4670/23 od 26.10.2023. godine, u postupku nabavke: **Mreže za LOT 1 - Mrežne komponente**, rješavajući po uloženoj žalbi ponuđača DOO INGEL TUZLA (br. 1019-01/2023 od 19.10.2023. godine), dekan Univerziteta u Sarajevu - Elektrotehničkog fakulteta, *d o n o s i*

## ODLUKU

### o izboru najpovoljnijeg ponuđača i dodjeli ugovora

#### Član 1.

Prihvata se Preporuka Komisije za nabavku broj: 02-4670/23 od 26.10.2023. godine i ugovor za nabavku: **Mreže za LOT 1 - Mrežne komponente** dodjeljuje se ponuđaču DOO INGEL TUZLA čija ukupna cijena ponude iznosi 11.000,00 KM bez PDV-a, kao najbolje ocijenjenom ponuđaču.

#### Član 2.

Izabrani ponuđač je već dostavio ovjerene kopije dokaza traženih tačkom 12. Tenderske dokumentacije, ne starije od 3 (tri) mjeseca od dana predaje ponude, na adresu Univerziteta u Sarajevu - Elektrotehničkog fakulteta, ul. Zmaja od Bosne broj bb, 71000 Sarajevo, na osnovu čega se izabrani ponuđač oslobađa naknadnog dostavljanja traženih dokaza.

#### Član 3.

Ova Odluka objavit će se na web-stranici Univerziteta u Sarajevu - Elektrotehničkog fakulteta <http://www.etf.unsa.ba/>, istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

#### Član 4.

Ova Odluka stupa na snagu danom donošenja.

### Obrazloženje

Na osnovu Odluke o pokretanju postupka javne nabavke broj: 02-2252/23 od 04.07.2023. godine, Univerzitet u Sarajevu - Elektrotehnički fakultet je pokrenuo otvoreni postupak za javnu nabavku: **Mreže**.

Za provođenje postupka predmetne javne nabavke, Odlukom broj: 02-2253/23 od 04.07.2023. godine, imenovana je Komisija za provođenje postupka javne nabavke. Obavještenje o nabavci broj: 29326-1-1-19-3-16/23 objavljeno je u sistemu E- nabavke dana 13.07.2023. godine i u "Službenom glasniku BiH", br. 49/23 od 14.07.2023. godine.

Na donesnu Odluku ugovornog organa o izboru najpovoljnijeg ponuđača (br. 02-3414/23 od 11.09.2023. godine), kojom je ugovor dodijeljen ponuđaču TELENET D.O.O. SARAJEVO, ponuđač DOO INGEL TUZLA, izjavio je žalbu.

Žalba ponuđača DOO INGEL TUZLA, je zaprimljena na protokol Ugovornog organa dana 22.09.2023.godine i zavedena pod brojem protokola 02-3766/23 i ista je blagovremena, dopuštena i izjavljena od ovlaštenog lica i lica koje ima aktivnu legitimaciju. Ugovorni organ je donio Odluku o usvajanju žalbe (br. 02-3979/23 od 28.09.2023. godine), te vratio Komisiji za javne nabavke na ponovni pregled i ocjenu ponuda. Nakon ponovnog pregleda i ocjene ponuda od strane Komisije za javne nabavke, Ugovorni organ je dana 26.09.2023. godine Agenciji za javne nabavke BiH uputio Zahtjev za poništenje održane E-aukcije od dana 07.09.2023. godine u 10:00 sati i ponovni Zahtjev od 28.09.2023. godine. Nakon prijema Zahtjeva i Odluke o usvajanju žalbe ponuđača DOO INGEL TUZLA (br. 02-3979/23 od 28.09.2023. godine), Agencija za javne nabavke BiH je udovoljila zahtjevu Ugovornog organa te kroz sistema E-nabavke dana 06.10.2023. godine zakazala novu E-aukciju dana 09.10.2023. godine sa početkom u 10:00 sati. Nakon uspješno održane E-aukcije, Komisija za javne nabavke je dala preporuku (br. 02-4233/23 od 09.10.2023. godine) Ugovornom organu da je najpovoljnija ponuda ponuđača DOO INGEL TUZLA. Ugovorni organ je prihvatio navedenu preporuku te donio Odluku (br. 02-4278/23 od 10.10.2023. godine), kojom je ponuđač DOO INGEL TUZLA izabran za najpovoljnijeg ponuđača. Na navedenu Odluku, ponuđač DOO INGEL TUZLA je uložio žalbu (br. 1019-01/2023 od 19.10.2023. godine), zaprimljena na protokol Ugovornog organa dana 20.10.2023. godine i zavedena pod brojem: 02-4547/23 i ista je blagovremena, dopuštena i izjavljena od ovlaštenog lica i lica koje ima aktivnu legitimaciju. Ugovorni organ je donio Odluku o usvajanju žalbe (br. 02-4651/23 od 25.10.2023. godine), te vratio Komisiji za javne nabavke na ponovni pregled i ocjenu ponuda.

Komisija za javne nabavke, je na osnovu prethodno navedne Odluke o usvajanju žalbe, izvršila ponovni pregled i ocjenu pristiglih ponuda na sastanku održanom dana 26.10.2023. godine sa početkom u 10:00 sati.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 29.08.2023. godine, tendersku dokumentaciju preuzeli sljedeći potencijalni ponuđači:

R.br.	Tenderska dokumentacija	Datum objave	
1.	02-2256/23 od 04.07.2023. godine	13.07.2023. godine	
R.br	Naziv ponuđača koji je preuzeo tendersku dokumentaciju	IDB/JIB	Datum i vrijeme preuzimanja
1.	EKAPIJA DOO	4950134590001	13.07.2023, 9:02:30
2.	INSTRUMENTS	4200141130009	13.07.2023, 9:11:50
3.	BBS EUROPE	4403188520008	13.07.2023, 9:18:50
4.	ASSIB-BH D.O.O. ČELIĆ	4210543050007	13.07.2023, 9:21:55
5.	DEMA&S D.O.O. MOSTAR	4227173320000	13.07.2023, 9:35:15
6.	TELENET D.O.O. SARAJEVO	4200412850002	13.07.2023, 10:09:54
7.	PRINTEX	4200597450005	13.07.2023, 10:12:59
8.	NV-INVEST	4202203760007	13.07.2023, 10:38:59
9.	"PERO" ZENICA D.O.O	4218026030005	13.07.2023, 11:26:26
10.	ALF-OM	4400810890005	13.07.2023, 11:56:21
11.	KAMER COMMERCE D.O.O.	4200086440001	13.07.2023, 12:04:39

12.	PROINTER ITSS DOO BANJA LUKA- ČLAN INFINITY INTERNATIONAL GROUP	4403865130009	13.07.2023, 15:27:12
13.	"PROINTER ITSS" D.O.O. SARAJEVO,	4202442080000	14.07.2023, 8:50:51
14.	UNIS TELEKOMUNIKACIJE D.D. MOSTAR	4227000220000	14.07.2023, 12:54:40
15.	OBRITNIČKO BRAVARSKO MONTERSKA RADNJA	4300955610006	18.07.2023, 4:30:50
16.	UNIBOX D.O.O.	4227310840008	18.07.2023, 8:45:53
17.	KODEKS D.O.O.,	4227430230009	18.07.2023, 13:54:07
18.	NEXIS D.O.O. SARAJEVO	4202629310009	21.07.2023, 17:33:10
19.	"MOJIT" D.O.O. SARAJEVO	4202255050008	25.07.2023, 7:31:26
20.	DIGITARIJA D.O.O. DRUSTVO ZA ZAVJETOVANJE I USLUGE U INFORMATICI	4201551320006	01.08.2023, 5:42:55
21.	DOO INGEL TUZLA	4209157810007	01.08.2023, 7:49:15
22.	LOGOSOFT D.O.O.	4200236190009	01.08.2023, 17:25:48

Iz Izvještaja o pitanjima i odgovorima u periodu koji je ostavljen za dostavljanje ponuda, vidljivo je da su ponuđači postavili 3 (tri) pitanja u vezi pojašnjenja tenderske dokumentacije. Dana 03.08.2023. godine ponuđač Logosoft d.o.o. je postavio sljedeće pitanje: "Poštovani, U Tenderskoj dokumentaciji, u dijelu koji se odnosi na tehničku specifikaciju, tačnije u aneksu III, stavci 1., navodi se "operativni temperaturni opseg uređaja od 0 do 400 °C", a koliko je poznato, na tržištu ne postoji uređaj koji ima temperaturni opseg do 400 °C. PITANJE: Da li ćete eliminisati ponudu za uređaj koji nema operativni temperaturni opseg od 0 do 400 °C? U stavci 4. istog Aneksa, stoji zahtjev: "Podrška za OpenWRT: Da". Također, u nacrtu Ugovora, koji čini sastavni dio Tenderske dokumentacije, u članu 5. stoji: "Izvršilac će u toku garantnog perioda održavati robu u dobrom stanju, te će vršiti redovno održavanje i otklanjanje kvarova, odnosno popravljanja ili mijenjanje neispravnih dijelova, a sve o svom trošku." OpenWRT i bilo kakva druga modifikacija softvera, izuzev redovnih ažuriranja I WRT verzija softvera koje je izdao sam proizvođač, kao posljedicu imaju gubitak važenja garancije. U skladu sa ovim proizvođači ne navode podršku za određene modifikacije službenog softvera u svojim službenim tehničkim dokumentacijama, iako istu najčešće podržavaju. PITANJE: Da li ćete prihvatiti ponudu koja u zvaničnoj tehničkoj dokumentaciji proizvođača nema navedenu podršku za OpenWRT, iako uređaj istu podržava? S poštovanjem." Odgovor Ugovornog organa je bio dana 23.08.2023. godine: "Poštovani, Odgovori na Vaša pitanja: 1. NE. 2. DA. Lijep pozdrav." Dana 17.08.2023. godine ponuđač Telenet d.o.o. Sarajevo je postavio sljedeće pitanje: "Molimo pojasnite koji je broj nabavke (taj podatak je predviđen za upisivanje u Obrascu za ponudu)?" Odgovor Ugovornog organa je bio dana 21.08.2023. godine: "Poštovani, Upišite broj tenderske dokumentacije. Lijep pozdrav". Dana 18.08.2023. godine ponuđač Telent d.o.o. Sarajevo je postavio sljedeće pitanje: "1. Molimo pojasnite koji je tačan naziv javne nabavke (ovo je potrebno u svrhu popunjavanja izjava iz Aneksa IV i Aneksa V) 2. Obrazac za ponudu (Aneks II). Za potrebe popunjavanja ovog obrasca, molimo pojasnite: koji je broj nabavke te koji su broj i datum tenderske dokumentacije? 3. Obrasci za cijenu ponude. S obzirom na mali prostor koji je raspoloživ u četvrtoj koloni Obrazaca za cijenu ponude ("U ovu rubriku upisati ekvivalent koji se nudi") za ručno upisivanje podataka, da li je prihvatljivo da ponuđač kreira vlastite Obрасce za cijenu ponude koji su u potpunosti usklađeni sa ormatom i sadržajem iz tenderske dokumentacije? 4. Koji je najkraći prihvatljiv garantni rok za ponuđenu robu?" Odgovor Ugovornog organa je bio dana 21.08.2023. godine: "Poštovani, Odgovori na Vaša pitanja: 1. Tačan naziv javne nabavke je Mreže. 2. Broj javne nabavke upišite broj tenderske dokumentacije: 02-2256/23 od 04.07.2023. godine (ti brojevi su već upisani na tenderskoj dokumentaciji). 3. Možete upisati naziv ekvivalenta ili kreirati vlastiti Obrazac za cijenu ponude, naravno u potpunosti usklađen da formatom i sadržajem tenderske dokumentacije. 4. Ukoliko je tražen garantni rok u Obrascu za cijenu ponude za LOT 1 i LOT 2, onda je najkraći taj traženi rok. Ukoliko nije tražen u Obrascu za cijenu ponude, onda napišite najkraći garantni rok koji nudite. Lijep pozdrav"

Iz Zapisnika o otvaranju ponuda vidljivo je da je Komisija za javne nabavke dana 29.08.2023. godine sa početkom u 10:32 sati, po redosljedu zaprimanja izvršila javno otvaranje blagovremeno prispjelih ponuda slijedećih ponuđača:

R.br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	NEXIX D.O.O. SARAJEVO	DA	02-3048/23	01.08.2023. godine u 09:05 sati
2.	UNIBOX D.O.O. SARAJEVO	DA	02-3155/23	29.08.2023. godine u 08:20 sati
3.	KAMER COMMERCE D.O.O.	DA	02-3156/23	29.08.2023. godine u 08:45 sati
4.	TELENET D.O.O. SARAJEVO	DA	02-3159/23	29.08.2023. godine u 08:50 sati
5.	DOO INGEL TUZLA	DA	02-3160/23	29.08.2023. godine u 09:08 sati
6.	LOGOSOFT D.O.O.	DA	02-3162/23	29.08.2023. godine u 09:17 sati

Na javnom otvaranju ponuda nisu bili prisutni predstavnici ponuđača.

Zapisnik o otvaranju ponuda je 29.08.2023. godine prosljeđen putem email-a ponuđačima koji su blagovremeno dostavili ponude.

Komisija za nabavku je u Zapisniku o otvaranju ponuda sačinila pregled ponuda primljenih u roku:

Redni br. na rang listi	Naziv i sjedište ponuđača	Ponuđeni popust	Ukupna cijena ponude
1.	NEXIS D.O.O. SARAJEVO Mehe Smilagića br. 76 71000 SARAJEVO	0,00	Cijena ponude 11.000,00 KM bez PDV-a 0% popust <b>Ukupna cijena ponude sa uračunatim popustom bez PDV=11.000,00 KM</b> PDV na cijenu ponude=1.870,00 KM Ukupna cijena za ugovor 12.870,00 KM sa PDV-om
2.	UNIBOX D.O.O. SARAJEVO Zmaja od Bosne bb (PC Robot III sprat) 71000 SARAJEVO	0,00	Cijena ponude 10.992,65 KM bez PDV-a 0% popust <b>Ukupna cijena ponude sa uračunatim popustom bez PDV=10.992,65 KM</b> PDV na cijenu ponude=1.868,75 KM Ukupna cijena za ugovor 12.861,40 KM sa PDV-om
3.	KAMER COMMERECE D.O.O. Blažujski drum br. 14 71210 Ilidža	0,00	Cijena ponude 9.905,29 KM bez PDV-a 0% popust <b>Ukupna cijena ponude sa uračunatim popustom bez PDV=9.905,29 KM</b> PDV na cijenu ponude=1.683,90 KM Ukupna cijena za ugovor 11.589,19 KM sa PDV-om
4.	TELENET D.O.O. SARAJEVO Gradačka br. 114 71000 SARAJEVO	0,00	Cijena ponude 10.980,00 KM bez PDV-a 0% popust <b>Ukupna cijena ponude sa uračunatim popustom bez PDV=10.980,00 KM</b> PDV na cijenu ponude=1.866,60 KM Ukupna cijena za ugovor 12.846,60 KM sa PDV-om
5.	DOO INGEL TUZLA Mehmedalije Maka Dizdara do B11. PZC Stupine 45A/P 75000 Tuzla	0,00	Cijena ponude 11.00,00 KM bez PDV-a 0% popust <b>Ukupna cijena ponude sa uračunatim popustom bez PDV=11.000,00 KM</b> PDV na cijenu ponude=1.870,00 KM Ukupna cijena za ugovor 12.870,00 KM sa PDV-om



6.	LOGOSOFT D.O.O. Grbavička br. 4 71000 SARAJEVO	0,00	Cijena ponude 11.00,00 KM bez PDV-a 0% popust <i>Ukupna cijena ponude sa uračunatim popustom bez PDV.=11.000,00 KM</i> PDV na cijenu ponude=1.870,00 KM Ukupna cijena za ugovor 12.870,00 KM sa PDV-om
----	--	------	--

Komisija za javne nabavke sastala se 26.10.2023. godine sa početkom u 10:00 sati, radi ponovnog pregleda i ocjene ponude, odnosno da bi utvrdila da li su ponuđači ispunili uslove za kvalifikaciju, a koji su traženi Tenderskom dokumentacijom, kao i da bi utvrdila da li su ponuđači dostavili tehnički zadovoljavajuće ponude u skladu sa zahtjevima iz Tenderske dokumentacije.

Komisija za nabavke je utvrdila da ponuda **ponuđača DOO INGEL TUZLA, ispunjavaja** sve uslove za kvalifikaciju tražene Tenderskom dokumentacijom, te je u skladu sa naprijed navedenim **ponudu navedenog ponuđača ocjenila kao prihvatljivu.**

Komisija za nabavke je utvrdila da ponude **ponuđača KAMER COMMERCE D.O.O. SARAJEVO, TELENET D.O.O. SARAJEVO, LOGOSOFT D.O.O., NEXIS D.O.O. SARAJEVO i UNIBOX D.O.O. SARAJEVO, ne ispunjavaja** sve uslove za kvalifikaciju tražene Tenderskom dokumentacijom, odnosno uslove za tehničku i profesionalnu sposobnost.

Ponuđač KAMER COMMERCE se isključuje zbog neispunjavanja uslova za tehničku i profesionalnu sposobnost, te je Komisija za nabavke u skladu sa naprijed navedenim **ponudu navedenog ponuđača ocjenila kao nepravilnu.** Ponuđač je dostavio katalog, ali nije dostavio dokaze za tačku 8. tehničke specifikacije i to: da je traženi kontroler Intel E810-CAM2, da ispunjava zahtjev - potrošnja energije najviše 20,8W i da ispunjava zahtjev - podrška za virtualizacijske tehnologije: VMDq, VMLB,

Ponuđač TELENET D.O.O. Sarajevo, se isključuje zbog neispunjavanja uslova za tehničku i profesionalnu sposobnost, te je Komisija za nabavke u skladu sa naprijed navedenim **ponudu navedenog ponuđača ocjenila kao nepravilnu.**

U stavci 3 Aneksa III Obrazac za cijenu ponude, tehničke specifikacije Tenderske dokumentacije traženo je: Optički modul - QSFP+ 40GBASE-SR4 u količini od 8 komada. Ponuđač je ponudio proizvod proizvođača ELVAST Technology naziva ETQS-40G85-SR4.

Analizom podataka ustanovljeno je sljedeće:

podatak	Traženo u specifikacijama tenderske dokumentacije	Ponuđeno
predajna snaga	-7,1 do 1,9 dBm	-7,6 do 2,4 dBm
minimalna prijemna snaga	-10,3 dBm	-10,3 dBm

U stavci 4 Aneksa III Obrazac za cijenu ponude, tehničke specifikacije Tenderske dokumentacije traženo je: Optički kabl - 1m MTP-12(F) na MTP-12(F) OM4 u količini od 4 komada. Ponuđač je ponudio proizvod proizvođača AD-NET Technology naziva TRAMTP(F) 1-12F-OM4-50/125-OFNP-OD3.0.

Analizom podataka ustanovljeno je sljedeće:

podatak	Traženo u specifikacijama tenderske dokumentacije	Ponuđeno
tenziona jačina	Kratkoročno 240N	Kratkoročno 160N
opseg radne temperature	-20 to 70°C	-20 to 60°C

U stavci 5 Aneksa III Obrazac za cijenu ponude, tehničke specifikacije Tenderske dokumentacije traženo je: Optički kabl - 85m LC na LC OM4 u količini od 1 komada. Ponuđač je ponudio proizvod proizvođača AD-NET Technology naziva PALCLCUUMM 85D-OM4-50/125-OFNR-OD2.0.

Analizom podataka ustanovljeno je sljedeće:

podatak	Traženo u specifikacijama tenderske dokumentacije	Ponuđeno
opseg radne temperature	-20 to 70°C	-20 to 60°C

U stavci 6 Aneksa III Obrazac za cijenu ponude, tehničke specifikacije Tenderske dokumentacije traženo je: Optički kabl - 30m LC na LC OM4 u količini od 2 komada. Ponuđač je ponudio proizvod proizvođača AD-NET Technology naziva PALCLCUUMM 30D-OM4-50/125-OFNR-OD2.0.

Analizom podataka ustanovljeno je sljedeće:

Podatak	Traženo u specifikacijama tenderske dokumentacije	Ponuđeno
opseg radne temperature	-20 to 70°C	-20 to 60°C

U stavci 7 Aneksa III Obrazac za cijenu ponude, tehničke specifikacije Tenderske dokumentacije traženo je: Optički kabl - 3m MTP-12(F) na MTP-12(F) OM4 u količini od 4 komada. Ponuđač je ponudio proizvod proizvođača AD-NET Technology naziva TPAMTP (F)3-12F-OM4-50/125-OFNP-OD3.0

Analizom podataka ustanovljeno je sljedeće:

Podatak	Traženo u specifikacijama tenderske dokumentacije	Ponuđeno
Tenziona jačina opseg radne temperature	Kratkoročno 240N -20 to 70°C	Kratkoročno 160N -20 to 60°C

Ponuđač LOGOSOFT D.O.O., se isključuje zbog neispunjavnja uslova za tehničku i profesionalnu sposobnost, te je Komisija za nabavke u skladu sa naprijed navedenim **ponudu navedenog ponuđača ocjenila kao nepravilnu**. Ponuđač nije dostavio dokaze tražene tačkom 14. Tenderske dokumentacije odnosno brošu, katalog ili sličnu dokumentaciju kojom se jasno opisuju tehničke karakteristike ponuđenog modela (tehnička specifikacija proizvođača).

Ponuđač NEXIS D.O.O. SARAJEVO, se isključuje zbog neispunjavnja uslova za tehničku i profesionalnu sposobnost, te je Komisija za nabavke u skladu sa naprijed navedenim **ponudu navedenog ponuđača ocjenila kao nepravilnu**. Ponuđač je dostavio dokaze tražene za tačku 14. Tenderske dokumentacije odnosno spisak izvršenih ugovora (referens listu) predmetne nabavke, ali nije dostavljeno u skladu sa Tenderskom dokumentacijom. Naime, dostavio je spisak izvršenih ugovora (referens listu) sa tri stavke, od čega je prva: *Kupovina i isporuka opreme za komunikacije - mjerna oprema*, jeste slična predmetnoj nabavci ali nije isključivo navedeno mrežna oprema te vrijednost ugovora je niža od procijenjene vrijednosti nabavke, zatim pod drugom stavkom je navedeno: *Isporuka GSM rutera sa vanjskom antenom 3G/4G*, također nije isključivo navedeno da je u pitanju mrežna oprema i vrijednost ugovora je niža od procijenjene vrijednosti ugovora, dok je za treću stavku navedeno: *Usluge godišnjeg održavanja i podrške proizvođača za NetGate uređaje*, što je usluga a ne roba.

Ponuđač UNIBOX D.O.O. SARAJEVO, se isključuje zbog neispunjavnja uslova za tehničku i profesionalnu sposobnost, te je Komisija za nabavke u skladu sa naprijed navedenim **ponudu navedenog ponuđača ocjenila kao nepravilnu**. Ponuđač je dostavio dokaze tražene za tačku 14. Tenderske dokumentacije odnosno spisak izvršenih ugovora (referens listu) predmetne nabavke, ali nije dostavljeno u skladu sa tenderskom dokumentacijom. Naime, dostavio je spisak izvršenih ugovora (referens listu) sa dvije stavke, od čega je prva: *Optički modemi Imbox F60 SC*, jeste slična predmetnoj nabavci ali nije isključivo navedeno mrežna oprema te nije dostavljena potvrda o uspješnoj realizaciji ugovora, a pod drugom stavkom je navedeno: *Kućne instalacije na području Hercegovačko-neretvanskog kantona*, dostavio je potvrdu o uspješnoj realizaciji ugovora ali u pitanju su radovi a ne robe.

Iz Zapisnika o ponovnoj ocjeni ponuda je vidljivo da je u ponudi ponuđača je bilo računskih grešaka. Komisija za javne nabavke je dana 31.08.2023. godine putem e-maila prosljedila zahtjev za ispravku računске greške ponuđaču KAMER COMMERCE D.O.O. SARAJEVO, te navela rok za izjašnjenje. Navedeni ponuđač je dostavio izjašnjenja u roku.

Iz Zapisnika o ponovnoj ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29326-1-1-19-3-16/23 od 13.07.2023. godine predviđeno provođenje E-aukcije za kvalifikovane ponuđače. E-aukcija za kvalificirane ponuđače održana je dana 07.09.2023. godine sa početkom u 10:00 sati i okončana istog dana u 10:20 sati. Nakon održane E-aukcije Ugovorni organ je donio Odluku o izboru najpovoljnijeg ponuđača, na koju je uložena žalba. Na osnovu navedenog Ugovorni organ je donio Odluku o usvajanju žalbe, te uputio dana 26.09.2023. godine Agenciji za javne nabavke Zahtjev za poništenje održane E-aukcije i omogućavanje zakazivanje nove E-aukcije i dopunu Zahtjeva dana 28.09.2023. godine. Agencija za javne nabavke je udovoljila Zahtjevu Ugovornog organa te kroz sistem E-nabavke dana 06.10.2023. godine zakazala novu E-aukciju za dan 09.10.2023. godine sa početkom u 10:00 sati. Nakon ponovo održane E-aukcije dana 09.10.2023. godine sa početkom u 10:00 sati, koja je okončana istog dana u 10:20 sati, Ugovorni organ je donio Odluku o izboru najpovoljnijeg ponuđača, na koju je uložena žalba. Na osnovu navedenog Ugovorni organ je donio Odluku o usvajanju žalbe, te dana 27.10.2023. godine uputio Agenciji za javne nabavke BiH Zahtjev za poništenje E-aukcije. Komisija za javne nabavke je izvršila ponovni pregled i ocjenu ponuda te ustanovila da je primljena samo 1 (jedna) prihvatljiva ponuda. S obzirom na navedeno nova E-aukcija se nije mogla zakazati u skladu sa članom 3. stav (3) Pravilnika o uslovima i načinu korištenja E-aukcije („Službeni glasnik BiH“, broj: 66/16), nego se postupak okončava u skladu sa članom 69. Zakona.

Komisija za nabavke je u Zapisniku o ponovnoj ocjeni ponuda konstatovala da je najpovoljnija ponuda ponuđača DOO INGEL TUZLA, čija konačna cijena ponude iznosi 11.000,00 KM bez PDV-a.

Shodno navedenom, Komisija za nabavke je prema utvrđenom kriteriju najniže cijene tehnički zadovoljavajuće ponude dala ponovnu preporuku Dekanu Univerziteta u Sarajevu - Elektrotehničkog fakulteta da se u predmetu nabavke: Mreže za LOT 1 - Mrežne komponente, donese Odluka o dodjeli ugovora ponuđaču DOO INGEL TUZLA, čija cijena ponude iznosi 11.000,00 KM bez PDV-a.

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za nabavku i odlučeno je kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

DEKAN

Prof. dr. Jasmin Velagić

#### Prilog:

- Zapisnik o pregledu i ocjeni ponuda

#### Dostaviti:

- Ponuđačima
- Služba za javne nabavke
- Služba za finansije i računovodstvo
- a/a